

欽定大清會典事例

欽定大清會典事例卷六百八十四

兵部

郵政

郵符

郵符。○順治元年題准。勘合大牌內。填註奉差官役姓名。並所給夫馬車船廩給口糧數目。如填註遺漏。罰俸六月。應用硃筆用墨筆者。罰俸三月。○又議准。勘合大牌內。照例填馬數目。如多填馬匹者。降一級調用。○二年題准。直省督撫提鎮等。每年將用過部頒勘合大牌造具清冊。題報到日。分送部科查覈。有違例者。叅處。○

康熙三年題准。直省齎奏等項所騎馬匹。俱用部發火牌。公將軍總督巡撫許填馬三匹。總兵官鹽院填馬二匹。○六年題准。各省督撫應用火牌。照省分大小酌定數目給發。直隸河南山東三省總督。每年給火牌四十五張。江南江西山陝二總督。各給火牌四十張。兩廣雲貴二總督。各給火牌二十五張。漕運總督。給火牌五十張。河道總督。給火牌三十張。其專管一省總督。照巡撫之數給發。直隸江甯浙江湖廣陝西山東六省巡撫。各給火牌三十五張。江西福建河

南山西廣東五省巡撫各給火牌二十五張雲南貴州四川廣西四省巡撫各給火牌十五張安徽偏沅甘肅巡撫照各本省巡撫給發公將軍各給火牌十張提督總兵官巡鹽御史各給火牌五張驛傳道差遣多寡不等不拘定數有逾額多騎馬匹者許該州縣申報查叅議處。十一年題准督撫提鎮每年所用勘合火牌由部編號給發兩江閩浙湖廣陝甘兩廣雲貴各總督係兼管兩省及漕運總督均給火牌二十張直隸總督江蘇安徽浙江湖北湖南陝西甘

肅各巡撫均給火牌十有八張。山東山西河南江西福建廣東廣西雲南貴州各巡撫均給火牌十有六張。甘肅提督給勘合十張。火牌四張。直省提督各給火牌四張。總兵官各給火牌三張。奉天府尹直省學政各給火牌四張。鹽政各給火牌二張。至管驛傳之司道所用勘合火牌難定額數。於將用完時約計一年應用若干。請部給發。以上給發勘合火牌。該督撫衙門及管驛傳司道動用者。由該督撫於年終造冊奏銷。提鎮動用勘合火牌。造冊送總督奏銷。無總督

省。送巡撫奏銷。如未曾動用。將現存勘合火牌數目咨部。奉天府尹火牌。彙入。

盛京兵部造冊奏銷。學政鹽政有動用火牌者。於年終造冊奏銷。由部彙齊察覈。一本題覆。○又題准。勘合火牌多填馬一匹者。罰俸六月。二匹罰俸一年。三匹降一級調用。六匹以上降二級調用。十匹以上降三級調用。○又題准。公將軍俱給火牌十張。勘合四張。如緊急軍務。方許用勘合。其尋常齎奏。止許用火牌。○十三年題准。督撫等齎奏糧餉刑名等平常之事。用火牌一

張止許填馬二匹。如同城駐紮督撫提鎮同日
拜本者。彙用火牌一張。亦止許填馬二匹。○十
五年議准。公將軍奉天府尹提督學政督撫提
鎮巡鹽御史。後應給火牌十張以上者。止給四
張。未及十張者。止給三張。○又議准。奉差官役
由部於所給勘合火牌尾後。將騷擾驛遞多索
夫馬車船及不鈐印信處分之例。兼錄清漢字
一紙。黏貼交接處所。用印鈐蓋。奉差官役照數
支取。並無騷擾多索。經過司驛官即於黏貼紙
內。填註應付數目。用印鈐蓋。有騷擾多索者。一

面申報督撫指名題叅。若奉差官役無經過司驛官印信鈐蓋及司驛官不即鈐蓋印信者。皆照例議處。○二十七年覆准。

盛京部內所有勘合火牌。歸併奉天將軍衙門管理。凡部臣有用。即咨將軍衙門填給。其勘合火牌用完之日。該將軍移咨兵部發給。○二十八年覆准。奉差各官從水路行者。若止換船。因未支緯夫。不赴州縣驛用印鈐蓋者。免其察議。○三十年題准。奉天將軍及

盛京各衙門公事所需勘合火牌。皆於

盛京兵部取用。每年由部給發勘合火牌各二十張。收存備用。其用過數目。該部於年終造冊奏銷。至

盛京

三陵掌關防官。兵部各給發火牌三張。遇有應用之時。該管關防官將用過緣由數目。報

盛京兵部察覈。彙入該部一案奏銷。又題准。吉林黑龍江將軍。給發勘合火牌各十張。其餘各處將軍。給發勘合火牌各四張。專城副都統。給發勘合火牌各三張。如有公事用過勘合火牌。

年終將用過緣由數目造冊奏銷。三十九年
覆准。奉差官役有例應撥兵護送者。兵部給以
兵牌。亦照勘合大牌之例。並給尾單。兼錄清漢
文黏貼兵牌後。於交接處用印鈐蓋。令沿途營
汛官驗明。照數撥兵。即於尾單內填明。並無多
索。亦無遲誤字樣。用印鈐蓋。若有藉稱緊急。將
兵牌不與驗看。額外多索擾累者。該營汛官毋
得鈐蓋印信。據實揭報本部叅奏。係官革職。係
役杖一百。多索兵一名者。官降三級調用。役杖
八十。二名者。官降四級調用。役杖九十。三名以

上者。官革職。役杖一百。儻並無兵牌。詐索護送兵者。該營汛官一面申報該督撫。一面報部。有職者革職。無職者審究治罪。至奉差官役。並無擾累多索。營汛藉端遲延。不即鈐蓋印信者。許官役據實申報。將該營汛官降一級調用。○四十五年議准。自京奉差往各省官員人等。及外省奉差來京者。所用夫馬船車數目。奉差緣由。並勘合火牌內。填註廩糧若干。於每月終繕摺彙奏。○五十一年覆准。一應奉差官役。所領勘合火牌兵牌。事竣即行繳銷。如遲延三日以外。

不繳銷者。察出官罰俸三月。役答五十。雍正十一年議准。在京各部門衙門。有緊要之事。咨行外省。由部給發火牌遞送者。及督撫提鎮來往緊要公文。關係錢穀刑名提拏人犯者。所用封套。均以棉紙厚襍釘封。鈐印發行。其尋常由鋪司遞送之事。亦須加增包封。如有擦損遲誤。察出。將該鋪司夫役治罪。及該管官議處。○十二年議准。督撫提鎮以下各衙門。有咨呈在京各部門公文。於公文之外。別具印單。將角數及何年月日封發之處。一一註明。令提塘隨公文

投遞各部院查對明白。於原來印單內註明收到日期。發還原行衙門。以憑稽考。有無抽壓遺漏。○乾隆十一年議准。嗣後

內廷寄信。如尋常封寄事件。由軍機處固封鈐蓋印信。再令兵部加封飛遞。若係奉

旨密交各督撫事件。即用匣頒發。令於覆奏時恭繳。照吏部憑匣之制。各督撫皆先頒發匙鑰一副。存留交代。至將軍提鎮藩臬並

欽差各員等。如有密寄事件。臨時將匙鑰一併封固發往。存留交代。並令各督撫遇有封寄事件。皆

按站登號嚴查。儻有擦損穿露以及私行拆閱等弊。上站遞到下站。即行舉報。官吏查叅。兵役究處。○十四年議准。軍營文報黏發排單。逐站登填。收受時刻。以憑稽考。其各督撫鄰近省分。果有軍國重務緊要公文。一體登填排單。剋期飛遞。○十七年奏准。一應差遣需用車輛。兵部於發車票時。即行知近京首站。查對應付。將郵牌立即申繳。並傳知下站。將應付數目。按月報部。其車票照勘合大牌之例。黏貼尾單印花。○又議奏。軍機處加封公文。

內廷交出報匣夾板及馳驛人員需用火票勘合。請豫備空白。責成司員加謹收存。遇有急需。方准填用。奉

旨。所有豫備空白印票。不必存於該部。著酌定數目。交與軍機處收貯。遇有緊要事件。隨時填發。每屆月底。同該部覈對。二十年奏准護送歸旗眷口。原有兵牌尾單。逐站交替。沿途地方官。得以驗看牌單。護送前進。其前途省分。可不必咨明轉飭知照。

○二十五年議准。嗣後各省督撫等。未經

賞給奏匣者。凡拜發奏摺。俱於夾板之外。用棉膀紙

封固。接縫處黏貼本職印花。再用黃綾包裹。奉
差出京官員。及督撫大員由京赴任。尚未接有
本任印信者。俱令酌量有無摺奏事件。應用印
花若干。咨明兵部。照數給發。至外省督撫等奉
差出境。應令隨帶本職印花。調任別省。亦令隨
帶前任印花備用。事竣餘賸印花。俱分別繳銷。
至發回

硃批原摺。令奏事處酌量數目。豫行知照兵部照數
印給。以備發回一切奏摺夾板之用。仍於將次
用完時。豫期咨取。以免遲誤。○又奏准恭繳郵

符。毋庸特本具題。應咨部彙題。○二十六年奉旨。夾板上黏貼印花。易於揭毀。嗣後夾板齎來奏事者。朕覽過後。奏事處將奏章封固。交與兵部鈐用部印。奏事處將夾板拴縛妥協發出。○又奏准。封印期內。備空白印花百餘張。遇有交發奏摺。暫行黏貼印花。俟開印時。仍鈐用部印。○二十八年議准。差遣員役。所給勘合火牌。於過站時。向令司驛官即於黏貼紙內。填明應付數目。鈐蓋該驛印信。乃竟有滋事差員。不與查看。司驛官不知應付確數。無憑黏貼印花。差員因得藉端需索。名

曰鈔牌規禮。殊為積弊。嗣後在京由兵部。在外由督撫。給發勘合。如當即起身者。一面將確數飭知首站。轉傳下站備辦。其起身尚需時日。即詢明確期。先行傳知。俟差員到站。並無需索。即將印花交給。不必鈔牌。如有需索等弊。即不給印花。一面呈報督撫。若州縣應付遲誤。准差員開報督撫查叅。○三十一年

諭外省奏摺。交兵部鈐用印信。往返日費馬力。殊屬煩瑣。且交發奏摺。即係原齎差弁祇領。向來未聞有滋弊之事。嗣後該部豫將印花存貯軍機處備用。所有

臨行鈐印之處。不必行。○三十七年覆准奉差馳驛官員按站黏貼印花。原以防枉道逗遛。並差員親丁跟役。或有中途患病留養等事。亦得憑印花逐站扣除應付。但州縣官勢難親身在驛。胥役長隨。每藉黏貼印花。與差員跟役串通開銷使費。實為積弊。嗣後印花毋庸交與差員黏貼。由有驛州縣按起申送。該督撫彙齊逐起按驛站先後黏貼成本。按月送部。以便查覈。如或差員跟役中途遇有事故。應行扣除者。令將勘牌付驛註明。即由該驛轉傳下站一體扣除。儻有

枉道逗遛等情。仍憑送部印花。按站稽覈。○三十八年覆准。遞解人犯。與差員馳驛。並辦運銅鉛不同。仍應逐站黏貼印花。俾上下站員互相稽察。以杜枉道逗遛之弊。○四十年議准。各省移行公文。應用馬遞三百里至六百里者。必皆關繫緊要。應先用堅紙包護。釘封鈐印。再行裝入封筒。以杜私拆偷閱之弊。○四十二年

諭。印信官封。原以備呈送地方公務文稟之用。若尋常書稟往來。不特鄰省不應加用印封。於本省上司亦不宜輕用。著傳諭各督撫。通飭所屬。嗣後除詳稟地

方公事准用印信官封外。其尋常稟啟俱行禁用。仍留心稽察。如有故違。即據實叅處。○又奏准。嗣後各省督撫遇有升遷調任。其原

賞報匣。應即帶往新任備用。所有接任之員。若未經賞過報匣者。即令其自行奏請。

賞給。○嘉慶六年奏定。各省驛站。應付差員過境。應行填送印花。俱令各該州縣於兩箇月內申送該督撫。按月彙齊。於四箇月內出咨。統限半年內到部。若逾限未送到部者。兵部查取職名議處。○又奏准。雲南貴州嘉峪關以外舉人進京

會試所給大牌。會試後無論已中未中。自出榜之日起。統限半年內將原牌赴部呈繳。願回籍者。即行請領新牌。其留京不即回籍者。俟回籍時。取具同鄉京官印結赴部。再行給發。如繳牌過半年之限。概不准換給新牌。○十一年奏准。直省各州縣驛。應付勘合大牌。彙送印花。向俱以半年內到部為限。以致雲南貴州等遠省。與直隸山東等省一體定限。殊未平允。嗣後各直省州縣。將應付差使印花。按月彙送該督撫。統限六箇月。由該督撫出咨。如有出咨在六箇月

限外者。查取職名。咨送吏部照例議處。其到部限期。仍各按該省程途稽覈辦理。○十二年奉旨。盛京。

三陵事務。現今該將軍總理。凡有應奏事件。均係該將軍列銜。其給予該掌關防官員火牌三張。亦無用處。即照所奏。咨送兵部銷毀。○咸豐三年。

諭。勞崇光奏軍營病故人員。懇請展限給予勘合等語。廣西軍興以來。在事文武在營病故者。前後數十員。該員等多係由他省調到。迨飭傳親屬扶柩回籍。已在一年以外。例不准給予勘合。惟念該故員等歿於

王事。竟至旅櫬無歸。情殊可憫。著准其展限一年。凡在二年以內者。一體給予勘合。以示矜恤。○光緒五年議准。雲貴兩省優拔貢生進京。

朝考。仿照該省舉人進京之例。俱給予大牌。每名馬一匹。到京後自

朝考之日起。限於半年內。將原牌赴部呈繳。請領新牌。如過半年之限。不准給予。

欽定大清會典事例卷六百八十五

兵部

郵政

驛費一

驛費○兵部會同館經費。每年按四季由部覈明數目。移咨戶部給領。馬每匹日給草乾銀六分七釐五毫。月給倒斃買補馬價並藥餌銀二錢五分。月給雜支棚廠槽鏹等項銀二錢七分。輦馬十分。歲准報倒二分。每匹買補價銀十六兩。其草乾雜支等項。照驛馬例支給。每車歲給修理銀一兩四錢。

內扣三成回錢

車馬等夫每名月給

米九斗。

每石折銀一兩三錢

鹽菜銀四錢五分。又車每輛

給束車繩一條。長四丈。徑五分。赴工部支取。

直隸省額設驛站銀四十萬三千四百一兩七錢二分六釐。米折銀一千八百六十八兩四錢。豆折銀六千三百八十兩六錢四分。麩價銀九百五十三兩二錢四分。本色米二百八十三石二斗。本色豆三千五百四十六石八斗一升。草二萬一千二百四十束。額設車馬工料銀五千五百四兩八錢六分八釐。額設雇車價銀二千一百六十兩。馬每匹日給草乾銀一分六釐。一

毫至八分五釐不等。

內張家獨石二口。每馬日給豆六倉升。草二束。每束

折銀一分。

羸每頭日給草乾銀六分至八分五釐不

等。驢每頭日給草乾銀二分七釐至四分五釐

不等。馬羸十分。歲准報倒三分。

內張家獨石每季三口馬匹十

分歲准報倒四分。

每匹買補價銀六兩五錢至九兩不

等。每倒馬一匹。扣收皮臘變價銀五錢。雜支煮

料柴薪並棚廠槽鏹等項。歲給額銀二萬八百

三兩八錢三分三釐。昌平州歲給置買夾板木

箱繩索等項額銀一百四十六兩。馬夫鈔牌等

夫。每名日給工食銀一分至一錢八釐不等。

內榆

林等驛損轡等夫
每名日給米一升。其存騰銀兩。則報明戶部撥
用。

盛京額設驛站。每歲買補馬價銀二千六百六十
四兩。廩給車價銀照上年實用之數估撥。皆由
戶部支給。馬匹十分。歲准報倒三分。每匹買補
價銀九兩。每倒馬一匹。扣收皮臙變價銀五錢。
其廩給車價銀不敷。則補給。有餘。則歸於次年
經費。○吉林額設驛站。每歲買補馬牛價銀四
千三百六十五兩一錢。廩給銀五百兩。皆由戶
部支給。馬匹十分。歲准報倒三分。每匹買補價

銀九兩。每倒馬一匹。扣收皮臟變價銀五錢。牛

隻十分。歲准報倒四分。每隻買補價七兩。每倒

牛一隻。收皮臟變價銀三錢。○黑龍江額設驛

站。每歲買補馬牛價銀二千八百八兩。修理車

價銀五十兩。廩給銀一千兩。皆由戶部支給。馬

匹十分。歲准報倒三分。內呼倫貝爾馬匹十分。歲准報倒二分。每

匹買補價銀九兩。內呼倫貝爾十臺每匹買補價銀六兩。扣皮臟。每

倒馬一匹。扣收皮臟變價銀五錢。牛隻十分。歲

准報倒三分。內茂興等十六站牛隻十分。歲准報倒一分八釐。呼倫貝爾十臺牛

隻十分。歲准報倒二分。每隻買補價銀七兩。內呼倫貝爾十臺牛每隻

買補價銀五兩。不扣皮臟。

每倒牛一隻。扣收皮臟變價銀三

錢。走遞夫歲給額米二十倉石。修理驛車。每輛

歲給銀五錢。○江蘇省額設驛站銀十五萬二

千一百七十兩四錢四分六釐。馬每匹日給草

乾銀六分。馬匹十分。歲准報倒四分。每匹買補

價銀十三兩九錢七分。每倒馬一匹。扣收皮臟

變價銀五錢。雜支棚廠槽鏹等項。每馬歲給銀

一兩四錢一分四釐八毫零。租賃驛舍雇覓鈔

牌等項。歲給額銀七千七百九十兩四錢一分

五釐。馬夫等夫每名日給工食銀二分至四分

不等。宣樓船水手工食及公費。歲給額銀五千六百七十六兩。其存贍銀兩。報明戶部撥用。○安徽省額設驛站銀十萬四千四百七十四兩一錢三分。額徵馬田租稻一萬五千四百四石三斗五升一合七勺。麥二十二石五斗三升一合七勺。豆九石五斗八升七合。馬每匹日給草乾銀六分。馬匹十分。歲准報倒四分。每匹買補價銀十三兩九錢七分。每倒馬一匹。扣收皮臙變價銀五錢。雜支棚廠槽鏹等項。每馬歲給銀一兩四錢二分。馬夫水手等夫每名日給工食

銀二分至四分不等。

內馬差等夫月支稻一石。

修理馬田農

具。歲給額稻四百七十二石七斗九升八合四

勺。馬田每畝歲給籽種銀二分。其存贖銀兩併

入地丁徵報存贖稻石變價報明戶部撥用。○

江西省額設驛站銀十萬九千九百九十七兩

一錢一分五釐。馬每匹日給豆四倉升。穀八倉

升。草二束。馬匹十分。歲准報倒四分。每匹買補

價銀十六兩八錢二分四釐。每倒馬一匹扣收

皮臟變價銀五錢。雜支棚廠槽鏹鞦韆等項於

馬匹支贖豆穀價銀內動給。馬夫鋪差等夫每

名日給工食銀一分至三分不等。其存贍並節省銀兩。報明戶部撥用。○浙江省額設驛站銀六萬三千七百十四兩七錢二釐。馬每匹日給草乾銀六分。驢每頭連驢夫日給工食草乾銀四分九釐五毫零。馬匹十分。歲准報倒二分。每匹買補價銀十四兩。每倒馬一匹。扣收皮臟變價銀五錢。雜支棚廠槽鏹等項。每馬歲給銀一兩四錢二分。廩糧雜支歲給額銀六千三百七十二兩六錢八分。馬夫水手等夫每名日給工食銀一分一釐至三分不等。站船置備什物。歲

給額銀三百十八兩。沙飛船每隻歲給修理銀十二兩。太平船每歲歲給修理銀十兩。明堂江山等船每隻歲給修理銀六兩六錢。其存贍銀兩報明戶部撥用。○福建省額設驛站銀六萬五千六百五兩六錢五分二釐。兜膳等夫每名日給工食銀一分六釐零至二分不等。雇備船價並水手工食。歲給額銀九百九十八兩三錢五分。其存贍銀兩報明戶部撥用。○湖北省額設驛站銀十八萬三千二百二十一兩八分八釐。馬每匹日給草乾銀五分。藥餌銀二釐七毫。

零馬匹十分。歲准報倒三分。每匹買補價銀十
四兩。每倒馬一匹。扣收皮臟變價銀一兩。雜支
棚廠槽鋤廩糧等項。歲給額銀三千九百八十
六兩七錢四分六釐。馬夫及排損水手等夫每
名日給工食銀一分三釐八毫零至五分不等。

內沙嘴等船水手。每名月給工食銀五錢二分五釐。宣樓船水手。每名月給工食銀一兩。江

夏縣短夫。歲給額銀二百兩。黃陂黃梅二縣渡
夫工食並修船工費。歲給額銀一百二兩四錢
八分。其額設銀兩不敷支用。由臬司覈移藩庫
給領。○湖南省額設驛站銀十四萬七百八十

二兩九錢六分九釐。馬每匹日給草乾銀五分。
藥餌銀二釐七毫零。馬匹十分。歲准報倒四分。
每匹買補價銀十四兩。每倒馬一匹。扣收皮臟。
變價銀一兩。雜支棚廠槽鏹廩糧等項。歲給額。
銀二千三十四兩六分。馬夫等夫每名日給工。
食銀一分六釐至五分不等。其存贍銀兩。報明。
戶部撥用。○河南省額設驛站銀十三萬九千。
七百九十七兩二錢六分九釐。協濟兌解留用。
銀七萬五千五百三十一兩三錢一分六釐。撥。
協改解銀六萬四百三十九兩四錢九分八釐。

馬每匹日給草乾銀五分。

內協濟馬匹日給銀四分八釐零至五分

七毫零不等

馬匹十分。歲准報倒三分。每匹買補價

銀八兩五錢。每倒馬一匹。扣收皮臟變價銀五

錢。雜支棚廠槽鏽等項。歲給額銀三千七百一

兩一錢。馬損等夫及獸醫每名日給工食銀二

分至四分五釐不等。塘撥夫馬。每撥歲給工料

雜支等項銀一百四十五兩五錢一釐六毫零。

其存騰銀兩。報明戶部撥用。○山東省額設驛

站銀十五萬五千四百七十六兩八錢三分一

釐。地糧僉撥買馬銀二萬四百四十七兩五錢

五分二釐。

買馬用有餘騰歸地糧起解不入驛站款內。

馬每匹日給

草乾銀五分。驢每頭日給草乾銀二分五釐。馬匹十分。歲准報倒三分。每匹買補價銀十兩。每倒馬一匹。扣收皮臟變價銀五錢。雜支棚廠槽鋤獸醫工食等項。每馬歲給銀一兩一錢三分七釐。馬夫走遞等夫每名日給工食銀一分九釐。至三分三釐不等。其存騰銀兩。報明戶部撥用。○山西省額設驛站銀十萬五千八百三十一兩一錢七分七釐。動撥地丁額銀七萬五千六百四十五兩一錢五分八釐。馬每匹日給草

乾銀六分。

內歸化城協馬每匹日給銀九分八毫

馬匹十分。歲准

報倒二分。每匹買補價銀八兩。每倒馬一匹扣

收皮臟變價銀五錢。雜支棚廠槽鑄鞵籠韁

煮料柴炭等項。歲給額銀三萬九千五百二十

三兩四錢四分七釐。

內鞵每副銀一兩五錢。籠韁每副銀一錢一分五

釐槽每架銀一兩八錢。鋤刀每把銀一兩三錢。煮料鍋每口銀八錢。馬夫所排等

夫每名日給工食銀一分六釐三毫零至三分

九釐一毫零不等。其存騰銀兩報明戶部撥用。

○陝西省額設驛站銀十四萬二千二百二十

八兩七錢九釐。馬每匹日給草乾銀三分六釐

八毫零至八分五釐不等。驢每頭日給草乾銀四分二釐五毫。馬匹十分。歲准報倒二分。每匹買補價銀八兩。每倒馬一匹。扣收皮臟變價銀五錢。雜支棚廠槽鏹油料袋。並修理號房工料廩糧等項。歲給額銀九千七十七兩三錢五釐。馬損等夫。每名日給工食銀二分四釐三毫。零至五分不等。其存贖銀兩。報明戶部撥用。○甘肅省額設驛站銀四萬三千六百九十五兩九分。協解驛站銀一千三百零五兩七錢九分二釐。不敷銀兩。於地丁銀內坐支。本色京斗米。

七千六百二十八石五斗七升一合四勺。本色
京斗豆一千九十石二斗八升五合六勺。本色
草三萬三千一百二十束。塘站銀糧料草無額
設於本省倉庫內動支。覈實報銷。拉車夫馬額
設工料銀六千五百五十二兩六錢。於司庫新
疆經費內動支。驛馬每匹日給草乾銀五分至
八分不等。內河西各驛馬四月給料九
斗。草六十束。每年束折銀五錢。牛每隻
日給草乾銀五分。內河西各驛牛隻月給料六
斗。草三十束。料每石折銀一
兩。草每束折銀五錢。驛馬十分。歲准報倒二分。
至七歲五毫不等。每匹買補價銀八兩。每倒馬一匹。扣收皮臙變

<p>名日給工食銀三分至三分三釐三毫零不等。</p>	<p>每馬歲給銀三兩四錢五分。驛站馬牛等夫每</p>	<p>匹扣收皮臟變價銀五錢。雜支棚廠槽鏹等項。</p>	<p>一青探塘站馬歲十分。歲准報倒三分。每倒馬一</p>	<p>七斤草二束。松樹塘馬每匹日給豆一升。青探二升。</p>	<p>里坤底塘馬每匹日給豆一升。青探一升。七斤</p>	<p>三營塘馬每匹日給豆一升。青探一升。七斤</p>	<p>五釐至九分不等。<small>內白墩子等十七塘馬。及</small></p>	<p>兩三錢六分七釐。塘馬每匹日給草乾銀八分</p>	<p>西廩糧等項。歲給額銀一萬八千四百八十七</p>	<p>價銀五錢。雜支棚廠槽鏹修理號房工料及河</p>
----------------------------	----------------------------	-----------------------------	------------------------------	--------------------------------	-----------------------------	----------------------------	---	----------------------------	----------------------------	----------------------------

內河西等驛馬夫每名月給糧一石。每石折銀一兩。本折兼支。塘站馬夫每名

月給工食銀一兩。內口外黑山湖等二十七塘馬夫醫匠每名月給工食銀

二兩粟米二斗係米六麥四搭施拉車車夫每名月給工食銀

一兩。其塘驛各站存贖糧石料草等項。報明戶

部撥用。○四川省無額設驛站銀兩。於各州縣

地丁銀內扣留供支。馬每匹日給草乾銀六分。

內烹壩打箭爐二站馬匹加倍支給馬匹十分。歲准報倒三分。每

匹買補價銀八兩。每倒馬一匹。扣收皮臟變價

銀五錢。雜支棚廠槽銅等項。每馬歲給銀一兩

四錢二分。馬損等夫每名日給工食銀二分至

九分六釐不等。

內鋪夫月給工食銀五錢至一兩不等。

○廣東省

額設驛站銀一萬六千四百一兩六錢四分五釐。快馬等船水手每名日給工食銀二分至三分三釐零不等。其不敷銀兩於地丁銀內坐支。

○廣西省額設驛站銀九千八百六十九兩七錢九釐。站船水手千里馬等夫每名日給工食銀二分至四分不等。修理兜轎繩索歲給額銀一百四十兩。其存騰銀兩報明戶部撥用。○雲南省無額設驛站銀兩。以實銷數目於地丁銀內坐支。馬每匹日給草乾銀七分二釐。馬四十

分。歲准報倒三分。每匹買補價銀十五兩。每倒馬一匹。扣收皮臟變價銀五錢。雜支棚廠槽鏹等項。每馬歲給銀一兩四錢二分。馬鋪等夫每名日給工食銀一分八釐至五分四釐不等。○

貴州省無額設驛站銀兩。由藩司籌款撥給。馬每匹日給草乾銀五分。馬匹十分。歲准報倒七分。每匹買補價銀十八兩。每倒馬一匹。扣收皮臟變價銀五錢。雜支棚廠槽鏹修理號房等項。歲給額銀一千九百三十八兩四錢八分。

內每驛棚

三間。每間修理銀一兩二錢。每馬十匹。牽轡四。每馬雇一副。銀一錢六分。

每驛銅刀五把。每把銀三錢二分。每馬月給腳銀四分八釐。藥餌銀四分八釐。馬夫

每名日給工食銀四分。站夫月給工食銀一兩二錢。其存騰銀兩。報明戶部查覈。○原定驛站歲需夫馬工料。修造車船。廩給口糧。及棚鋤。牽雇柴薪。燈油藥材雜支。所有各項錢糧。約計應用之數。各於該省田賦內照數編徵。直隸額徵銀六十八萬五千八百六十三兩九錢五分。有奇。米二千四百十五石六斗。豆九千四百二十四石八斗。麥麩二千六百九十二石八斗。山東銀三十萬三千六百四十四兩五錢七分。山西

銀十八萬一千九百二十八兩七錢八分。河南
銀五十八萬二千六百二十一兩七錢四分。江
蘇銀十九萬一千三百三十七兩六錢。安徽銀
十三萬五千九十八兩二錢。江西銀十八萬二
百八十五兩二分。福建銀六萬五千六百五兩
六錢五分。浙江銀十萬九千五百三十九兩五
錢二分。湖北銀二十萬七千六百二十七兩四
錢三分。湖南銀十四萬一千九百九十五兩六
錢七分。陝西銀二十六萬一千七百十二兩六
分。甘肅銀十三萬七千二百五十五兩八錢一

分米七千七百三十二石九斗八升五合。豆二千一百五十八石二升。草八萬五千七百六十六束。四川銀五萬八千四百五十二兩二錢二分。廣東銀三萬四千五百五十三兩一錢二分。廣西銀三萬五百四十五兩二分。雲南銀四萬六千五十四兩四錢五分有奇。貴州銀七萬四千八百九十一兩三錢六分有奇。用有存贖及或有裁減。報部充餉。○順治八年題准。各省驛站錢糧支用數目。該管驛傳道。於歲終彙造清冊。呈報該撫覈明具題。由部察覈奏銷。○康熙

六年題准。各省驛站。有於常例之外。動用錢糧者。由該撫報部覈給。若因兵馬動用者。由該督報部覈給。○又題准。各省驛站錢糧。奏銷。統限次年五月內具題。造冊分報部科察覈。○又題准。驛站額徵。並協濟錢糧。以及抵兌等項。均作十分考成。將夫馬工料。修造車船。廩給口糧。雜支雇募價值。造冊共為一疏。於次年五月具題。逾限照例議處。○七年覆准。驛站夫馬小建。截曠皮臟變價等項。各該撫查明扣存。以濟撥補。衝繁驛站不敷之用。○九年題准。直隸各省驛

站額設錢糧。每年各該撫將催徵完欠各官造冊題報考成。至於額設夫馬歲支工料等項銀兩。每年例造支用冊送部覈銷。今河南浙江廣東三省同考成冊一本題報。四川雲南貴州福建四省該撫另具一本題報奏銷。其餘各省該撫造冊咨部查覈。事關錢糧。例不畫一。嗣後催徵驛站錢糧各官完欠。並歲支夫馬工料等項銀兩。開列舊管新收開除實在。務期總散相符。自康熙九年起逐一各查清冊考成奏銷。共具一本。於次年五月內題報到部。以憑查覈。○十

一年題准

盛京歲需驛站馬價銀二千二百六十四兩。廩給車價銀七千九十六兩九分。由戶部給發。司驛官造具支用清冊。呈報

盛京兵部侍郎具題。由部察覈奏銷。吉林歲需驛站馬牛價銀四千三百六十五兩一錢。廩給銀五百兩。黑龍江歲需驛站馬牛價銀三千五百六十五兩。廩給銀千兩。均由戶部給發。各司驛官造具支用清冊。呈報。各該將軍具題。由部查覈奏銷。○又題准。各省驛站奏銷冊。每省造一

省總每府造一府總以節年存騰為舊管。以額設實徵為新收。以夫馬車船各項工料及廩給雜支雇募價值為開除。以本年支用存騰及建曠皮臟變價並節年存騰為實在一府各為一本。然後將州縣驛逐一分析。務與府總相符。府總務與省總相符。至災蠲一項原係戶部題准。所有驛站項下應蠲細數均於驛站奏銷案內聲明。以憑兵部移咨戶部。如果相符。即為察覈題覆。又題准驛站每年扣存建曠皮臟變價並各項存騰銀。兵部於奏銷後移交戶部充餉。

如有衝繁驛站不敷及災蠲缺額者。轉咨戶部撥給。○十二年題准。張家口歲需驛站銀三千三百十有九兩四錢七分。米八十六石四斗。豆一千四百四石。草二萬一千六百束。由戶部給發。司驛官造具支用清冊。送部查覈奏銷。○又題准。喜峯口歲需驛站銀五千一百四十三兩七錢二分八釐。獨石口歲需驛站銀一千一百三十八兩五錢六分。豆八百六十一石六斗。均由戶部給發。各司驛官造具支用清冊。喜峯口由熱河副都統咨送。獨石口由古北口提督呈

送由部察覈奏銷。○十四年議准。經管驛站上
司。將應給錢糧。不照數實給者。照貪官例議處。
○又議准。驛站錢糧。如夫馬車船工料價值。以
及雜支等項。不但各省不同。即一省之中。亦有
多寡及本色折色不同。此皆因地制宜。自當永
遠遵守。不得任意增減。嗣後奏銷冊內。分析開
造。毋許籠統不分。致滋蒙混。○十五年議准。驛
站錢糧。各裁十分之四充餉。○二十年奉

旨。前因錢糧匱乏。驛站錢糧裁減四分。今著准復二分。
○二十九年。奏銷驛站錢糧。通計原額銀三百

七萬二千八百一十三兩五錢二分。除廣西報
荒銀七千七百五十三兩一錢八分。裁銀九十
四萬六千一百二兩九錢五分零。現存銀二百
一十二萬三千九百五十七兩三錢四分零。原
額米一萬九千四百四十石。裁米四千八百四
十八石四斗八升。存米一萬四千五百九十一
石五斗一升。直隸原額銀五十萬三千五百十八
兩四錢一分。存銀三十七萬五千六百六十二
兩五錢五分零。山西原額銀一十六萬九千二
百一兩五錢九分零。存銀一十三萬五千二百

四兩六錢八分零。陝西原額銀二十四萬八千三百三十四兩二錢零。存銀一十五萬四千四百七十六兩七錢零。甘肅原額銀一十二萬二千五百八十三兩二錢零。存銀七萬三千五百四十九兩九錢二分零。四川原額銀五萬五千二十九兩六錢。存銀二萬八千五百五十兩八錢八分。雲南原額銀四萬五千九百三十九兩四錢一分。存銀二萬八千七百六十三兩六錢四分零。貴州原額銀五萬二千六百六十四兩六錢零。存銀三萬七千九百五十七兩零。原額

米一萬九千四百四十石。存米一萬四千五百九十一石五斗二升。廣西原額銀三萬五千四十五兩二分零。存銀一萬三千六百七十五兩一錢零。湖北原額銀一十七萬四千七百二十六兩零。存銀一十三萬七千三百三十兩零。湖南原額銀一十二萬六千七百五十八兩一錢零。存銀八萬五千六百三兩八錢七分零。廣東原額銀三萬四千五百五十三兩一錢二分。存銀二萬七百三十一兩八錢七分零。江甯原額銀二十八萬一千四百九十三兩零。存銀二十

一萬三千二百八十八兩二錢零安徽原額銀
二十六萬四千三百三十八兩零存銀一十三
萬五千九十五兩零浙江原額銀一十一萬九
百九十七兩二錢五分零存銀六萬六千五百
九十八兩三錢五分江西原額銀一十八萬二
百八十五兩二分零存銀一十萬八千一百七
十一兩一分零福建原額銀六萬五千六百五
兩六錢五分零存銀三萬四千四百四十五兩
五錢五分零山東原額銀三十萬三千六百四
十四兩五錢七分零存銀二十三萬四千三百

五十五兩一錢七分零。河南原額銀三十一萬
七百五十六兩七錢八分零。存銀二十四萬四
百九十七兩八錢五分零。○三十四年題准兵
部館所額設車馬等夫每名月給米九斗。鹽菜
銀四錢五分。○四十二年議准口外驛站錢糧
皆司驛官豫先支領。若不存儲在官。私借與人
圖利者革職。交刑部治罪。○又議准田賦項下
編徵買馬價銀。停其專案題報。統入驛站案內
奏銷。如價有存贖。移交戶部充餉。○雍正五年
奏銷驛站錢糧。直隸原額銀五十萬三百五十

八兩四錢一分零。存銀四十四萬七千四百九十九兩八錢四分零。山西原額銀一十六萬九千二百一兩五錢九分零。存銀一十二萬八千六百九十八兩七錢六分零。陝西原額銀二十四萬八千三百三十四兩二錢零。存銀一十五萬四千四百七十六兩七錢零。甘肅原額銀一十二萬二千五百八十三兩二錢零。存銀一十一萬六千八百八十三兩五錢二分零。四川原額銀五萬五千二十九兩六錢零。存銀三萬一千四百九十一兩二錢八分零。雲南原額銀四

萬五千九百三十九兩四錢一分零存銀四萬三千三百八十三兩六錢四分零貴州原額銀五萬二千六百六十四兩六錢零存銀三萬二千七百一十七兩零廣西原額銀三萬五百四十五兩二分零存銀一萬一千八十一兩一錢零湖北原額銀一十七萬四千七百二十六兩零存銀一十一萬二千七百三十三兩七錢二分零湖南原額銀一十二萬六千七百五十八兩一錢零存銀七萬六千一百三十一兩五分零廣東原額銀三萬四千五百五十三兩一錢

二分零存銀二萬七百三十一兩八錢七分零
江甯原額銀二十八萬一千四百九十三兩零
存銀一十九萬一千三百三十七兩六錢零安
徽原額銀二十六萬四千三百三十八兩零存
銀一十三萬五千九十五兩零浙江原額銀一
十一萬九百九十七兩二錢五分零存銀六萬
五千八百八十六兩五錢二分零江西原額銀
一十八萬二百八十五兩二分零存銀一十萬
八千一百七十一兩一分零福建原額銀六萬
五千六百五兩六錢五分零存銀三萬三千六

百二十七兩一錢五分零。山東原額銀三十萬三千六百四十四兩五錢七分零。存銀二十三萬九千三百九兩二錢七分零。河南原額銀三十一萬七百五十六兩七錢八分零。存銀二十九萬九千八百七十一兩五錢八分零。又

諭。湖南各驛棚廠槽鑄等項。准照湖北省之數。一例添設。查雲南四川浙江三省。向未設立此項。今朕一體加恩。照湖北之數。准其開銷。該地方有司。務須實力奉行。俾驛站均霑實惠。○八年覆准。吉林烏喇金珠鄂佛囉等站。應用廩給銀兩。每年以五百兩為

定額。如有餘贍。留為次年應付。○十一年議准。各省驛道。經營驛站錢糧。凡有收放各數。並支銷款項。隨時移會藩司。每年奏銷時。仍將該年出入。與節年存贍銀。一併造冊移會藩司。逐一覈對相符。即具盤查清楚印結。報部考覈。其每年奏銷奉部題覆之後。該撫接到部咨。即行知藩司備案。○十三年奏准。兵部館所驛馬。停支本色。每馬日給草料銀六分七釐五毫。每馬月給馬價藥材銀二錢五分。以備買補醫治之用。每馬歲給雜支銀三兩二錢四分。以備牽雇槽。

鋤棚廠等項之用。駕輦馬照驛馬例支給。○乾隆二年奉

旨。各省草銀。每馬一匹。河南湖南皆五分。浙江江南皆六分。山西則四分五分不等。該省地狹民稠。人多服賈。不若江浙等省之舟楫往來。到處可通商販。是以草料價值。平時昂貴。而又當秦蜀之衝。差使絡繹。所有額支銀。除去鞏雇各項雜支外。每馬一匹。實支銀不過二三四分不等。以致各州縣咸藉口價值不足。累民採辦。其或從中漁利。弊實叢生。閭閻受其擾累。所當酌量變通者。著將山西驛站草料銀。照江南浙

江之例。每馬加足六分。至鞏廐各項雜支。仍照常例。毋庸議加。嗣後養馬料草。悉照時價採買。如有絲毫擾累小民者。嚴叅治罪。朕因山西情形如此。特降諭旨。他省不得援以為例。○六年覆准江南省句容縣雲亭驛。原設額馬四十五匹。於江甯府屬之江甯驛設馬四十匹。六合縣設馬三十匹。句容縣龍潭驛設馬三十五匹。內各裁馬五匹。馬夫三名撥入雲亭驛。以足六十匹之數。令該縣於淳化白兔二處各撥馬十五匹。分立腰站。餘存馬三十匹留驛應差。其六合江甯龍潭三縣驛。現

裁額支工料馬價等項銀兩。改入起運項下。另於句容縣地丁內支給。又句容縣龍潭驛。東送儀徵差使。有長江阻隔。並未設有站船。於江甯府屬之大勝驛。現設站船十五隻內。撥船二隻。水手六名。在龍潭驛應差。其應支工食。仍照舊例支給。又高郵州屬之界首驛。原設額馬四十匹。於儀徵縣設馬四十匹內。裁馬十匹。馬夫六名。高郵寶應二州縣驛。各設馬七十五匹內。各裁馬五匹。馬夫三名。共馬二十匹。馬夫十六名。均撥入界首驛。以濟不足。其所裁儀徵寶應夫

馬工料馬價等銀。歸入起運解司充餉。界首增添夫馬工料馬價等銀。統歸高郵州編給。○七年議准。甘肅省河西各驛。每馬日支銀八分五釐。減銀五釐。河東各驛。每馬日支銀五分。增銀三分。統以八分支給。○十二年覆准。直隸省四方輻輳。差使繁多。既有分途猝辦之勞。又有抽調協濟之事。原與他省不同。一應開銷。全在隨時酌劑。驛站項下原編徵六十八萬五千八百六十餘兩。節年裁減。實用僅三十六萬餘兩。嗣後總以實用之數酌劑支應。若支應果在數內。

准其開銷。○十五年奏銷驛站錢糧除節年裁
減銀米豆草等項歸戶部充餉外直隸現額銀
三十九萬六千二百六十二兩三錢九分有奇
米二千四百十五石六斗豆九千四百二十四
石八斗麥麩二千六百九十二石八斗又車價
二千四百兩車馬夫工料銀六千一百十六兩
五錢二分坐臺官役廩糧銀五千九百兩

車價
廩糧

各別為一
本奏銷

盛京現額銀二千六百六十四兩廩給車價銀七
千九十六兩九分山東現額銀十九萬一千三

百七十六兩一錢七分。山西現額銀十萬五千八百三十一兩一錢七分。河南現額銀二十八萬八千九百二十九兩八錢一分。江蘇現額銀十六萬五千七百五兩三分。安徽現額銀九萬八千八百十八兩五錢二分。江西現額銀十萬九千九百四十三兩一錢一分。福建現額銀三萬二千九百十二兩九錢一分。浙江現額銀六萬五千七百二十三兩七錢一分。湖北現額銀十八萬五千十九兩一分。湖南現額銀十二萬一百九十四兩一錢七分。陝西現額銀十六萬

五千八百九十兩五錢四分。甘肅現額銀十三萬一千四十六兩五錢一分。米七千二百二十七石五斗七合。豆一千九百二十九石六斗。草七萬五千六十束。廣東現額銀二萬七百三十一兩八錢七分有奇。廣西現額銀一萬五千二百十九兩三錢八分有奇。雲南現額銀二萬六千五百四十一兩四錢五分。四川貴州仍照編徵原額。以上各直省支銷。若有存贍。均於奏銷後移交戶部充餉。張家口除裁減外。實領銀一千五百三十五兩四錢九分。米八十四石九斗。

六升。豆一千二百七十四石四斗。草二萬一千二百四十束。喜峯口除裁減外。實領銀四千五百三十兩三錢五分。獨石口除裁減外。實領銀一千一百二十一兩四錢六分。豆八百四十七石五斗六升。至吉林黑龍江。均仍照原額支領。若有存騰。於奏銷案內聲明。留抵下年之用。○十七年議准。河南省北路十九撥。每撥原額馬二匹外。添設馬三匹。夫二名。其所需工料銀兩。仍令照數動支。造入耗羨冊內。咨送戶部查覈。並於驛站奏銷冊內聲明。具題查覈。○十八年

奏准兵部館所原設驛車等馬二千匹。節年裁減千一百五十匹。現存八百五十匹。內除車馬一百五十匹。屢因供應不敷。尚需五城司坊雇募。不必裁減。至驛馬七百匹。雖差使最繁之時。曾用二百餘匹。以及四百九十匹不等。然約計尚可裁二百匹。以二馬一夫計之。可裁夫百名。所有夫馬裁減錢糧。照數扣存。毋庸支領。○十九年題准夫役工食。原係計日授食。浙江省遇閏之年。所加閏銀不敷。嗣後即於龍游等縣驛裁存銀內照數動撥。報明戶部查覈。仍造入該

年驛站奏銷冊內報部覈銷。至該省縣驛夫馬應扣小建亦按照每年實在小建日期照數扣解。造入驛站奏銷冊內送部覈銷。○又題准江蘇省各驛錢糧既經奏明歸於州縣經管。凡有驛遞自應一例歸併州縣經管以昭畫一。其金江姑蘇二驛向屬府轄亦應改歸縣轄。應將金江驛改歸上元縣經管。姑蘇驛改歸元和縣經管。除上元元和二縣原編金江姑蘇二驛夫馬帶閤工料銀兩仍聽該二縣照舊支銷外。所有江甯長洲吳縣等三縣額編夫馬銀兩照數於

上元元和二縣徵收地丁銀內動支其江甯長洲吳縣三縣額編金江姑蘇二驛夫馬工料銀兩統歸地丁起運項下報部充餉並於乾隆乙亥年地丁奏銷案內造報查覈○二十六年議准甘肅省河西各驛每馬草乾日支銀八分應減銀七釐中路二十五驛每馬日支銀五分應加銀二分河西沿邊花馬池等驛每馬日支銀四分應加銀三分三釐安西以東十塘單臺馬匹每匹日支銀八分五釐應加銀五釐○又覆准直隸省宣化府屬之懷來宣化懷安龍門西

甯蔚州等六州縣夫役月米每石改交銀一兩。懷來宣化懷安龍門赤城等五縣馬匹料豆銀豆兼支。每石酌給銀八錢。○二十七年題准河南省嗣後按年將原額二十一塘撥夫馬工料日支細數。造入該年驛站奏銷冊內。以便查覈。○二十八年議准各省駐防將軍都統副都統協領防禦驍騎校等各家屬赴任等事。應折車價。自京至直省來站。由部覈明程站。照直省車價定例。移咨戶部給領。過直隸以後。經由地方。令各省首站覈明該省程站。彙行給發。在外由

管驛衙門覈明本省程站。先行彙發。所需車價。俱於驛站項下動支。仍將每年用過銀兩數目。開明差使。並程途里數。造入驛站奏銷冊內。報部覈銷。○二十九年覈准。直隸省懷來宣化懷安等三縣馬匹。現支本色料豆。照例每石折銀八錢。○又奏准。嗣後驛道造報驛站奏銷。將動支藩庫地丁銀。及未完民欠借支協撥等銀數。目於新收項下。詳細註明。藩司造報地丁奏銷。亦將撥給驛站額徵。及未完民欠借支協撥各款。逐一載入冊內。庶兩案便於查覈。且未完及

借支款項俱得速為清理。三十年議准山東省歷城縣裁汰車夫工食銀兩仍於驛站項下扣存縣庫遇有差使額夫不敷准其動支雇募。三十三年奏准直隸省之獨石口驛站夫馬工料銀兩管站司員於年終報明提督轉咨戶部支領其古北口工料銀兩分作兩季報明提督移行藩司支領至倒馬價銀並蒙古站之倒馬價銀均報明提督轉咨理藩院移咨戶部支領並將豫領銀兩交各該管道庫收存。三十四年

諭據富明安奏兵部覆准范宜賓條奏東省運河熬壩
期內裁減水夫工食一案查該省水夫向係長養在
驛每日僅得工食銀二分七釐若裁去四月工食每
日僅銀一分八釐零窮民口食不敷勢必散逸遇有
要差臨時雇覓倍多糜費且熬壩實在日期每年不
過兩月餘而銅鉛守凍船隻均須撥役看守非因熬
壩而虛費錢糧請照舊存留等語所奏是東省水夫
工食難於裁減該撫既將實在情形入告自毋庸瑣
屑裁扣使窮民口食拮据轉致貽誤公事所有德州
等十四處水驛人夫工食毋庸扣減之處著照該撫

所請行。○三十五年覈准。安徽省各縣馬田莊房。閒有官置。每年收有稻草。可資苫蓋。毋庸議給修費。又溝塘埂壩。遇有衝倒乾涸。應動工程。並非常年應動之項。儻有溝塘埂壩衝倒乾涸之處。應令該撫派委道府大員勘驗確實。報部查覈。如些小修培。責令佃戶自行挑築。以杜冒濫。至馬田籽種。每畝給稻二升。折銀二分。於司庫馬稻變價銀內開銷。其懷甯等八縣馬田修理農具。每畝給稻一斗。○三十六年奏准。直隸省所屬張家口獨石口喜峯口三處所需驛站銀兩。

俱照該省古北口山西省殺虎口之例。即在本
省藩司支領。仍照舊例。交道庫收存。按季發給。
令該管之都統提督。年底查明造冊。咨送總督。
彙入驛站奏銷案內。覈實題報。○三十八年覆
准。陝西省將大安驛移改附近沔縣之青羊峽
地方。並於寬川鋪添設一驛。其寬川驛應需夫
馬及工料銀兩等項。在於柏林黃壩順政黃沙
大安等五驛額設馬匹內。均勻抽撥。每驛一律
安設馬四十三匹。夫二十一名半。應支夫馬工
料修理倒馬閏月等銀。飭令各驛照安設夫馬

數目支領報銷。○四十年奏准兵部館所額設馬匹。向因差多價貴。辦理艱難。曾於二十四二十七以及三十二三十六等年。節經奏請借給一年錢糧。分作五年扣還。查館所額設馬匹。日支銀六分七釐。較在京各營馬。日支銀一錢。各州縣驛馬。日支銀七八分者。本屬較少。又扣去前借之項。則按季所領者。欲令其添補馬匹。豫儲草豆。實屬拮据。但若仍照向年之例。借給一年錢糧。所借之銀。不過止足數。本年添補馬匹。豫購草料之用。欲稍留營運。以為將來之接濟。

勢必不能。而按年支領時。又扣去五千餘兩之多。則不敷者止得加利借貸添補。支持二三年。計窮力竭。不得不援例請找。以致前借未清。又復找借。終無了期。不如請准借二年錢糧分作十年坐扣。於現借銀兩內扣去上屆未完銀六千九百兩零外。酌撥銀三萬兩。照鑾儀衛滋生銀兩之例。選派賢員。會同該監督等善為營運生息。將所得利銀給馬頭等。以抵每歲官扣之項。迨十年扣完借項後。其銀係馬頭等私項。應交馬頭等接辦。仍令該監督等稽查出入。不許

私自挪移。以期久遠。其餘銀兩。交馬頭等將現
在馬匹內傷殘者儘數更換。多備草豆。加意餵
養。務期腴壯。以供差使。○四十六年。奏准兵部
會同館。因馬乾不敷。曾於四十年。奏借二年草
豆銀兩。內酌撥銀三萬兩。按照鑾儀衛滋生之
例。陸續典置直隸各州縣地畝。內坐落大興縣
枯柳樹等邨地一項九十六畝。坐落固安縣張
家東內邨地六項六十七畝。坐落永清縣朝王
等邨地十一項三十四畝。坐落東安縣南固城
等邨地二項九十三畝。土房十間。房基三塊。蕭

家務等處地八頃三十八畝。張家務等營地五
頃四十八畝。坐落香河縣劉懷莊等邨地二頃
三畝五分。坐落通州馬合店等莊地八頃十畝。
房基二塊六畝六分。土房十二間。塔千戶營等
莊地二頃六畝。灤縣尖平莊等邨地十三頃七
十一畝。坐落三河縣段家嶺等邨地五頃三十
四畝七分五釐。坐落武清縣商邨等莊地二頃
二十七畝。莊基一塊。坐落寶坻縣簾子營等莊
老園地三頃二十畝五分四釐。新務屯等莊老
園地七頃八十六畝六分五釐。坐落順義縣東

馬各莊等邨地五頃六畝。坐落密雲縣華山莊
等處地六頃五十二畝四分。坐落涿州城東大
豹子莊地三頃九十四畝五分七釐五毫。菜園
地一塊一畝一分九釐二毫。場園地一塊二畝
二分八毫。莊基一塊一畝五釐。內原土房六間。
二十里鋪等邨地一頃九十六畝九分二釐八
毫。坐落霸州狄家莊地一頃。坐落文安縣高邨
程家屯地二十五頃四十四畝六分。小趙等邨
地三頃一畝。莊基一塊。土房七間。坐落平谷縣
北獨樂河等莊地一頃五十七畝二分五釐。坐

落遵化州國里屯老園地一項三十八畝一分。
坐落玉田縣何家等莊地五頃九十二畝五分。
草房三十一間。坐落清苑縣祝澤邨地四頃四
畝四分。張登等邨地二十六頃七十五畝六分。
坐落滿城縣宋家賈邨等莊地五十頃三十九
畝七分。莊窠一塊。坐落安肅縣釜山等邨地一
頃四十一畝。水磨頭等邨地一項三十六畝七
分五釐。坐落定興縣王家莊等處地二頃二十
八畝。坐落唐縣野流壇下二邨老園地八頃十
畝。內有莊園十二處。坐落容城縣王家莊等處

老園地一項六十六畝五分。坐落完縣東魏邨
老園地九十七畝。莊窠一所。場園一塊。坐落蠡
縣北郭丹等邨地七項十畝九分七釐五毫。坐
落易州撻頭邨地三項十四畝。潦水邨地三項
三十五畝。坐落涑水縣北澗頭等邨地四項七
十一畝。聶邨等處地一項五畝。坐落承德府雙
峯寺老園六箇。漢子地三項五十四畝。坐落任
邱縣安家莊等邨地七項二十畝。梁召邨等處
老園地五項七十一畝五分三釐五毫。坐落交
河縣菜園等邨地十二項八十二畝。張家莊地

六頃二十七畝。坐落青縣陳奎等莊地三十六
頃五十一畝。佃房六間。坐落延慶州苗家堡地
九頃六十畝。其地畝每年應徵租銀。交直隸總
督就近徵收。按年解部。以為津貼餵養馬匹之
需。○四十七年議准。回疆各處一切錢糧奏銷。
嗣後除吐魯番。迪東。設有府廳州縣。管理錢糧
者。由總督覈轉外。其烏什。葉爾羌。喀什噶爾。以
及庫車。喀喇沙爾等處。均由各辦事大臣奏銷。
將各項數目。移咨陝督查覈。○四十九年覆准。
陝西省興安州原設遞馬六匹。夫三名。漢陰縣

原設遞馬二匹。夫一名。今興安州既改為興安府。漢陰縣改為安康首縣。兩處地方統歸該縣管理。一切文移較前倍多。程站亦遠。應將興安州並漢陰縣舊有夫馬一併改撥安康縣以供遞送。再新設孝義川五郎關二處分防同知通判。既係咸甯長安二縣分駐。所有應需遞送文移夫馬。孝義川即在咸甯縣原設涇陽縣協濟夫馬內。動撥馬二匹。夫一名。五郎關即在長安縣原受高陵縣協濟夫馬內。動撥馬二匹。夫一名。以供遞送。其每年額支夫馬工料雜支倒馬

等項銀兩。均令各設縣等。照向例支給。於驛站奏銷案內。分析造報查覈。○又奏准阿爾泰四十四軍臺。每臺派察克達官一員。兵十名。令其自備馬匹當差。官每員歲給銀十八兩。兵每名歲給銀十兩。於察哈爾右翼牧廠開墾租銀內動支。年底報銷。○五十一年覆准。各省應徵驛站錢糧。一併移解藩庫。遇有動用。由臬司按季領存覈明給發。其各州縣自行留支之處。一併停止。○五十七年覆准。山西省原設臨汾等五十四驛。大同等十軍站。甯武等十二邊站。歸化

等五廳站。大同朔平甯武保德等七塘站。通共額馬三千五百八匹。此外有節次添設之王胡趙城壽陽三驛。豐鎮甯遠二廳驛。及殺虎口蒙古站。天鎮縣等處二十八塘站。俱於原設之臨汾等驛站內。抽撥馬匹安設。其錢糧即隨馬匹關支。歷年奏銷冊籍。仍循舊制。造報數與現辦章程不符。應照各驛支領。並將節次添設之王胡趙城壽陽三驛。及豐鎮甯遠二廳驛。於奏銷冊內。添列名目。其續設之殺虎口站。並天鎮縣等處塘站。亦與軍站邊站一例造報。按照

現支銀數由藩庫移交臬司覈實給發以歸畫

一